

Espainiako kazetariak Bilbon elkartu dira 50. Batzarrean

Z. ZAMAKOLA / BILBO

Espainiako Prentsa Elkarteen Federazioaren 50. Batzarra atzo hasi zen Bilbon. Jose Antonio Ardanza EAEko lehendakariak zuzenduta. Bestelako gaiak eta mahaingurak izango badira ere, Kazetaritzako irakaskuntza eta Europako eremu berrian kazetaritzaren iharduera izango dira batzar honetan aztertuko diren gai nagusiak.

Jose Antonio Ardanza aipatu egin zuen berak ordezkatzan zuten politika mundua eta kazetaritza

munduaren artean «ardura eta mesfidantzako» harremanak izaten direla neurri handi batean.

EAEko lehendakariak bi ihardueron eremua elkarren menpe daudela azpimarratu zuen, eta gogorarazi zuen biek dutela iritziz publikora heltzeko helburua.

Elkarren menpe egote horrek bi 'munduen' arteko harreman «antzu» sortzeko arriskua baietsi ondoren, «mesfidantza patologikoaren eta elkar menpe egote horren» artean, egoera hori gainditzeko komenientzia adierazi zuen, «zintzotasuna eta apaltasuna» bidez.



Ardanza lehendakaria batzarraren lehen ihardunaldian izan zen.

Nafarroako SOS Arrazismoa Taldea aurkeztu da Iruñean

TXARO SATRUSTEGI / IRUÑEA

SOS Arrazismo Taldea aurkeztu zen atzo Iruñean, eta horrela sortu da Nafarroan Euskal Herriko beste probintzia batzuetan lehendik ere bazegoen taldea. Gurutz Martinez eta Vicente Blasco taldearen ordezkariak esan zuten, «SOS Arrazismoa oinarriko organizazioa da, partehartzea bultzatzen duena, plurietnikoa eta nazioartekoa, eta bertan arrazismoa eta xenofobiari aurka egiteko prest dauden pertsona guztiek dute lekurik».

Hainbat talde eta erakunde osatzen dute organismo hau, hauek hain zuzen: Caritas, Emausko trape-roak, Gurutze Gorria, Mugarik Gabe, Santa Luzia Fundazioa, Batzorde Internazionalista, La Majari Ijitoen elkarte, Nafarroako Senegaltarren Taldea, ATIME (Marokoko langile migrarien elkarte), Emakume Internazionalista, Abokatuen Taldea, Lan Sozialaren Eskolako ikasleak eta Kale Hezlariak.

Arrazismo eta xenofobiaren gorakada izugarria ikusi eta gero zerbait egin behar dela diote talde honetakoek, Europako egoera larria hobetzen ez bada arazo handiak izango dituztelako kanpotarrek. Nafarroan eta Estatu osoan etorkinen problema ez da oso larria, baina ijitoekin dagoen arrazismoa handituz doa, Blascoren esanetan.

Hau dela eta, SOS Arrazismoa taldea sortu da, eta egin duten lehen-

biziko gauza informazio eta aholku zentrua irekitzea izan da. Herrizabal izeneko Zentru hau Estafeta kalean dago, etorkinei laguntza eskaintzeko prest, astelehenetik aurrera.

Egoera eta ekintza baztertzailen salaketa, eta etorkinen kolektiboek beraiek antolaketarako gune bat izan dezaten behar duten laguntza emango diete Herrizabal Zentruan.

Jaurlaritzak ez du «inolako presarik» bere euskarazko egunkaria plazaratzeko

EGUNKARIA kalean egoteak proiektu ofizialaren aukerak gutxitzen ditu

Duela urtebetetik hona, euskarazko egunkaria kaleratzekotan zela errepikatu izan du Eusko Jaurlaritzak. EGUNKARIA urtebete egin duen honetan egunkari ofiziala plazaratzeko «inolako presarik» ez dagoela adierazi du «bi egunkarirentzako lekurik ez dagoelako».

DONOSTIA

Administrazio autonomikoak bultzatutako euskarazko egunkaria plazaratzeko «inolako presarik» ez dagoela adierazi zion atzo Eusko Jaurlaritzako Kultura Kontseilaritzak EFE agentziari. Agentziak honek dioenez, Jaurlaritzak bi urte t'erdia darama euskal egunkariaren bideragarritasuna aztertzen, 1989. urtean Legebiltzarrak ekimen hau aurrera eramateko oniritzia eman zionetik.

Kultura Saileko iturriek EFeri esandakoaren arabera, ordea, Administrazioak ez du «presarik» euskarazko egunkari instituzionala kaleratzeko. Iturri berberen iritziz, egunkariaren proiektua Eusko Legebiltzarrean aurkeztuko da «egunkaria kaleratu bezain pronto porrot egingo ez duelako ziurtasuna izaterakoan». Berau argitaratzeko lehen asmoa 1989. urtekoa da eta ordudunik, lau azterketa egin ditu Joseba Arregi buru den Sailak, euskarazko egunkaria kaleratuz gero irauteko aukerarik duen ala ez aztertzeko.

EGUNKARIA KALERATZEA ZAILA Eusko Jaurlaritzaren Kultura Saileko iturriek zehaztu zuten, Jaurlaritzak bultzatutako euskarazko egunkariak argia ikustea nahiko zaila izango da, egun badagokelako kalean oso osorik euskaraz den egunkaria, EUSKALDUNON EGUNKARIA hain zuzen. «Orain arte egindako azterketa guztiek jakin erazi dutenez, euskarazko egunkari bakar



Jadanik urtebete igaro da EGUNKARIA kaleratu zenetik.



Joseba Arregi Kultura sailburua.

batentzat soilik dago lekua merkaturatu, bientzako lekurik ez dagoela nabaria da» argitu zuten Kultura Saileko iturriek.

Joan den urtearen hasieran, Kultura Sailak merkatuaren ikerketa bat egin zuela zehaztu zioten EFeri Kultura kontseilaritzako iturriek. Horren ostean, euskarazko egunkariaren inguruko arlo ekonomiko eta juridikoari buruzko bi txosten egin zituen Kultura Kontseilaritzak. Txosten eta ikerketa guztiok kultur talde eta profesionali aurkeztu zi-

✓ Orain arte egindako azterketa guztiek jakin erazi dutenez, merkaturatu euskarazko egunkari bakar batentzat dago lekua.

tzaia zehaztu zuen Kontseilaritzak, «ondoren talde politiko desberdengana jo genuen, beti ere, laguntza soziala eta politikoa lortzeko asmoz proiektuaren inguruan» argitu zuten.

Egunkariaren itxuraren proiektua urte honetako apirilean amaitu zen. Bertan zehazten dira egunkariaren orri kopuruak, gehigarriak, edukiak eta abar, «hau egin ondoren, ordea, arazo linguistiko larri bat zegoela konturatu ginen» eritzi zuten Kultura Kontseilaritzako iturriek.

Etorkizunean kalera daitekeen euskarazko egunkariaren 'estilo liburu' egiten omen dihardu egun Kultura Kontseilaritzak. Egunkariarentzako baliagarri izango da 'estilo liburu' baina, baita euskarazko irratiz zein telebistarentzat ere. Dena den, berau noiz amaituko den ez dute esan, eta «inolako presarik» ez dagoela gaineratu.



GETXOKO UDALA

ABENDUAREN 13TIK AURRERA
MANUEL SMITH KALEA
TRAFIKOARI ITXI

Gobela ibaiaren isurbidea egiteagatik **Abenduaren 13tik aurrera Manuel Smith kalea itxiko zaio trafikoari** Cristobal Valdes kalearen bidegurutzean eta hargatik beragatik **Areetara sartzea Negubide kalean zehar egingo da berriz**. Kale honek ordea zabalera mugatua du, beraz, kasu egin beharko zaie seinaleei eta kontu handiarekin ibili beharko.

Bada, otoi, barka ezazue egingo zaizuen enbarazua eta nekea.

Olaberrian, N-I errepidea 417,80 K.P.tik
(Idiazabalgo bidegurutzetik) 419,60 K.P.ra bitartean
zabalduta eta hobetzeko (Gakoa: 5-EM-48/88-R)
proiektu eraberrituaren partzelario osagarria

1991ko Abenduaren 3eko Gipuzkoako Aldizkari Ofizialean, 230 zk.an, argitaratzen da OLABERRIAN, N-I ERREPIDEA 417,80 K.P.tik (IDIAZABALGO BIDEGURUTZETIK) 419,60 K.P.ra BITARTEAN ZABALDU ETA HOBETZEKO (GAKOA: 5-EM-48/88-R) PROIEKTU ERABERRITUAREN Partzelario Osagarriaren Dokumentuak hartutako ondasun eta eskubideak jendearrean erakusteko iragarkia.

Iragakian, Dokumentu horrek afektatzen dituen ondasun eta eskubideen zerrenda zehatz eta banakatua ere ageri da.

Donostia, 1991ko Abenduak 5.



Gipuzkoako Foru Aldundia

Garraio eta Bide
Azpiegitura Departamentua